

ConSORZI da scola Laax – Falera – Sagogn - Schluein

Reglament d'indemnisaziun

per la Cumissiun da scola L-F-S-S

Vers.: 05_01_22

**Sebasond sigl art. 6 cefra 5 dils statuts dil Consorzi da scoletta e scola primara
scolaviva dallas vischnauncas da Laax e Falera**

concluda la radunonza communal

il suadont reglament d'indemnisaziun:

Principi	<p>Art. 1 Per sia lavur ha la Cumissiun da scola il dretg sin ina indemniziun che duei corrispunder all'obligaziun ed al temps impundiu.</p>
Egualitad dallas schlatteinas	<p>Art. 2 Las indicaziuns da personas, funcziuns e professiuns en quei reglament serefereschan da principi ad omisduas schlatteinas, num ch'ei seresulti enzatgei auter ord il senn dallas disposiziuns.</p>
Indemniziun	<p>Art. 3 La cumpensaziun secumpona dad indemniziuns dallas uras e dallas spensas. Supplementarmein vegn pagau in fixum per incumbensas tenor igl art. 4. Incaricas specialas sco lavurs da project, consultaziuns e prestaziuns da survetschs che pretendan enconuschientschas specificas vegnan indemnizadas tenor las uras impundidas ni cun ina pauschala.</p>
Fixum	<p>Art. 4 Per las suandontas funcziuns vegn fixau ils sequents fixums:</p> <ul style="list-style-type: none"> – presidi dalla Cumissiun da scola (persuna dil fatg externa) tenor descripziun dils duers (pensum da lavur +/- 10 %) ed en cunvegna cul mandatari – commembers dalla Cumissiun da scola Fr. 1'000.– <p>Ell'indemniziun dil presidi dalla Cumissiun da scola ein oravontut las suandontas prestaziuns cumpigliadas: Ils pensums, las obligaziuns e las cumpetenzas tenor statutas dil consorzi art. 9-13</p> <ul style="list-style-type: none"> – preparar, menar ed elavuraziun posteriura da sesidas – Exequir decisiuns – Menar corrispondenza e representar il consorzi anoviars – far il rapport annual, il preventiv ed il quen annual – menar la direcziun <p>La pauschala dils commembers dalla Cumissiun da scola cumpeglia las suandontas prestaziuns:</p> <ul style="list-style-type: none"> – studi da documents e participaziun a sesidas – elavuraziun posteriura da sesidas <p>En cass da midadas d'uffeci ni d'absenzas da survetsch da pli che 3 meins vegn il fixum pagaus proporziunalmein als titulars dils uffecis resp. als substituts. Il fixum vala per onn da scola (1. d'uost tochen 31 da fenadur).</p>
Tariffa per ura	<p>Art. 5 Per lavurs ch'ei buca part dil fixum (art. 4) survegn la Cumissiun da scola ina indemniziun da 30 francs per ura.</p>
Indemniziun per scriver protocols	<p>Art. 6 Sch'in protocol vegn screts d'in commember dalla Cumissiun da scola, vegn quei commember indemnizaus cun 100 francs per quella</p>

lavor.

Indemnisaziun dallas spesas	Art. 7 L'indemnisaziun dallas spesas sedrezza tenor las disposiziuns mingamai valeivlas dall'Ordinaziun cantunala dil persunal.
Rendaquen	Art. 8 La Cumissiun da scola meina independentamein cudisch davart las lavurs che vegnan buca indemnisadas cun il fixum (indicaziun exacta dalla lavur, dil temps impundiu e dallas spesas). Il rendaquen ei da dar giu silmeins inaga ad onn e sil pli tard il zercladur.
Aboliziun dil dretg vertent	Art. 9 Cun l'entrada en vigur da quei reglament vegnan tut las disposiziuns che stattan en cuntradicziun cun tal abolidas.
Entrada en vigur	Art. 10 Quei reglament entra en vigur igl 1. d'uost 2022, suenter l'approbaziun entras las radunonzas communalas.

Approbau dallas radunonzas communalas da:

Laax ils XX-YY-2022

Il president communal

Il canzlist communal

Falera ils XX-YY- 2022

Il president communal

Il canzlist communal

Sagogn, ils XX-YY-2022

Il president communal

Il canzlist communal

Schluein, ils 12-04-2022

Il president communal

Il canzlist communal